

**02 MAI**  
**RUGACIUNEA 3**  
**SF. IERARH**  
**ATANASIE 3 PATELARIE**  
**AL CONSTANTINOPOLULUI**  
**МОЛИТВА**

О великий и дивный святителю Христов  
Афанасие Богомудре, светильниче Церкви  
вселенския, Лубенский и всея России чудотворче  
и покровителю! Ты, от юности вся житейская  
оставль, к Богу любовью и духовным  
благоразумием наставляемь, увещевал еси вся  
человеки, глаголя: что нам богатство, что нам  
злато, слава и могущество? — дымове,  
расходящийся по воздуху: вся та исчезнут, вся  
та понесет ветер! Многозначительно же в будущем  
веще да будет нам богатство. Тако поучая, сам  
щедр, благосерд, кроток, смирен и всем  
благоприступен был еси. Темже и во успении  
твоем Всеблагий Господь тмочисленными чудесы  
озари и прослави нетленные мощи твоя. Имея

убо ко Господу дерзновение, заступи и спаси твоим ходатайством всю хранимую тобою землю нашу и град сей, в немже святыми мощами твоими почивати благоизволил еси. Моли Христа Бога, да отпустятся всем нам согрешения наша вольная и невольная, да избавимся от всех враг видимых и невидимых, от всяких бед и скорбей и всяких недугов. Моли, да милостив будет всем нам Господь, и zde, и в будущем веце, и преставапияся от нас отцы и братию, матери и сестры и чада наша, в лики святых вчинив, в месте светле упокоит, да, предстояще и поклоняющеся раце мощей твоих, имамы тя неусыпающаго молитвенника и предстателя о нас ко Господу и благодарно с любовию величаем прославльпаго и слушающаго тя, в Троице славимаго Бога, Отца и Сына и Святаго Духа, ныне, и присно, и во веки веков. Аминь.